

種種者謂多種類所得者謂差別徧計所取境相彼所取境極刹那生刹那名極刹那生者起義謂極刹那有所生起若極刹那有所生故彼彼諸法從極刹那之所生者悉是無常此義終竟

聖佛母般若波羅蜜多九頌精義論卷上

聖佛母般若波羅蜜多九頌精義論卷下

勝德赤衣菩薩造

要譯經藏觀經論義疏卷第十 詔譯

此中應問彼勝義諦中云何自性答頌自論

言與陽燄等

其陽燄者謂地塵日光三事假合如陽燄聚前見後壞是故頌言見即壞無相

諸有所得別別境界其義亦然雖各表了皆無自性何以故彼等自性前後不和合故性不平等故愚者取著於一性轉是故此等皆

漢十

五

墮世情有情趣故

復次此中若能取所取對礙性空即自性明亮本來不生心法發現猶如影像為釋此義故第七頌言

所取如影像 無始從心生 即彼相及識 互相如影像

此言所取如影像者謂此與彼而相似故所似云何如鏡等中見面等像此復云何謂從心生以彼唯心有所生故心即繫屬有其所取外境相等不捨為性此義終竟

復次如外所取鏡中面像即彼諸法以慣習種子領納於心於無二中取其有二對礙之相由無始來從心所生如彼影像或同時異時所緣伺察彼皆無性非唯心法亦由所緣之相而能引生能緣識心是故有相凡言相者攝集為義非唯一法由彼所取如是有相能取亦然此中意者所取無性能取不實頌言互相互

相者即和合義互相和合皆如影像如影像故能取所取彼二互相不相離性即彼二法於無所得中互相從彼心法出現有所得相此揔意者彼心自性本來明亮無能取所取二種之相本離會等無明垢染清淨潔白離諸取著故下頌云如水中月為釋此義故

第八頌言

觀自淨種中 若智月出現 彼如水中月

現前無所有 觀者定義定謂心一境性相於彼定中有所觀想心自在故頌言自者謂自種子淨即清淨清淨者離濁之義從自身語心種子所成等無間緣出生想

凡訖哩字變成普徧熾然光明於是光中從心種子出甘露光廣大照耀其光復成極大火輪乘彼火輪出慧方便復從是生彼瓦訶字門其字振發大聲於中出現八葉蓮華訶字處中內外想布十六分位復想

淡十

六

而迦字成星宿眾周而圍遶復於相應方位想佛蓮華彼十六分皆成月輪如是觀已復於其上自淨種中想現

威咩字具熾盛光於其光中出現大火熾盛光燄當觀自身從智月中生菩提心復從是生金剛智月當知月者即金剛智普徧世間

智光照耀一切色相是故頌言若智月出現彼智金剛成就出生慧及方便無喻涅槃之相復從慧生金剛界中摩摩杵菩薩相觀想甚深最上微密三摩鉢底密雲彌布普現光明其菩薩者身相青色八臂三面正面青色右面黃色左面白色右第一手執劍第二手

執箭第三手執鉤第四手執金剛杵左第一手執輪第二手執弓第三手執臂索第四手執鈴而彼菩薩理智相合諸所施作皆順方便眾相莊嚴頂戴阿闍佛冠現於熙怡可愛之相加趺而坐如阿多西清淨之華具有日輪最勝圓光復如大樂自性金剛薩埵之相

灑諸甘露徧於一切此菩薩身即如來身從  
慧方便之所出生是故頌言如水中月  
頌言若者即是如義如水月故此即是空從  
是空法之中出生諸法其所出生即本來不  
生性所以喻言如水中月  
此中如是若於法界自性中取著有性者而

漢十

七

實無性何以故頌言現前無所有故

由彼如是於一切法無所得者如中有所作  
所證而實不能若有作有證者皆是方便建  
立諸法與虛空等為證成此義故

第九頌言

若相應者智 彼即虛空相 是故智所知

皆如虛空相

所言相應當知即是智之與定二法相應彼  
之相應即是金剛有彼相應法故名相應者  
由彼相應者所有之智於一切法無所取無  
二相中以慧方便生如來身非如前說蘊處  
界等戲論自性此義終竟

然如來身不動法界自性所成本來不生何  
以故以如來等自性離故此即無性止不可  
說無性者謂本來不生故名無性是故頌言  
如虛王相

比復云何謂離一切戲論之性故如虛空以  
彼虛空如是相故而虛空相應當如是如理

伺察相者標表義

復次當知於一切法無障礙自性中有所作  
固者謂由智入三界心心所相如虛空相顯  
示所知無明隨現有情及器二世間相蘊處  
界等戲論自性是即所知為智境界有所作  
性此所知境隨有繫屬覺了所知偏計諸境

是故此說名為所知所以一切智一切智智  
此之二種皆如虛空應如是觀為揔攝此義  
故頌言皆皆所無餘義無餘少分故

此中除彼聲聞餘中樂欲取證有餘依涅槃  
者彼雖證得人無我理謂於蘊事取為有故  
餘證無餘依涅槃解脫相者今此所攝如

佛所言一切種一切一切有皆空此中又除一分外道所說之空

以是義故此中應知世間無復少法可有一切如彼虛空之相

所言如虛空相者當知即是虛空自性如是真實此之九頌如所說已復為顯示諸菩薩

第十

八

等種智果故摠說頌曰

如理思惟此實性 彼一切性無所依  
所有菩提勝願心 大智莊嚴當獲得

聖佛母般若波羅蜜多九頌精義論卷下

佛說八種長養功德經

西吳譯經三藏聖教目錄卷之四十四長養功德經等奉 詔譯

歸命一切佛惟願一切佛菩薩眾攝受於我  
即說伽陀頌曰

我今歸命勝菩提 最上清淨佛法眾  
我發廣大菩提心 自他利益皆成就

懺除一切不善業 隨喜無邊眾福蘊

先當不食一日中 後修八眾長養法

當知八種長養法者所謂八戒弟子應於阿

闍梨前二三重復說是伽陀已次復當稱已

之名字我名某甲惟願阿闍梨攝受於我我

從今時發淨言心乃至坐菩提場成等正覺

誓歸依佛二足勝尊誓歸依法離欲勝尊誓

歸依僧調伏勝尊如是三寶是所歸趣我某

甲淨信優婆塞惟願阿闍梨憶持護念我從

今日今時發起淨心乃至過是夜分訖於明

旦日初出時於其中間奉持八戒所謂一不

殺生二不偷盜三不非梵行四不妄語五不

九末

飲酒六不非時食七不花鬘莊嚴其身及歌

舞戲等八不坐卧高廣大牀我今捨離如是

等事誓願不捨清淨禁戒八種功德二三重

復作如是說又言我持戒行莊嚴其心令心

喜悅廣修一切相應勝行求成佛果究竟圓

滿又說伽陀曰